

青牛白虎與黃羊穩駕雲輿晝夜忙運載乾坤常會合推般日月永交光 法輪響亮投玄窟雲輅瑯瑤入道場九轉工夫如省悟自然得繼馬丹陽

文登縣黃籙醮贈道衆

崑崙三鬢馬風歌得遇修仙厭事多我處無爲酬本願人求追薦苦相魔 加持助醮居環堵救拔亡靈上大羅滯魄孤魂求有幸壹齊超度喜無過

又

一從得遇樂清貧忻住環牆怕惹塵鍊氣氣和神戀氣頤神神爽氣安神 宰公請我求追薦小子慈心奉善因救拔亡靈超

道藏輯要

洞玄金玉集

十一

胃集六

上界孤魂滯魄總朝真

熱心香 本名行香子

夫婦分離

你是何人我是何人與伊家元本無親都緣媒妁遂結婚姻便落癡崖貪財產只愁貧 你也迷塵我也迷塵管家緣火裏燒身牽伊情意投我心神幸遇風仙分頭去各修真

上街化導

師父重陽真箇真師教馬鈺專做貧兒生涯清淨活路無爲應撫心琴調龍虎飲刀圭 誓不山東緣在關西且和光混俗隨時旂籬閒把惟望人知願不早歸休空過疾修持